

福建叢書第三輯之二

福建省文史研究館編

謝肇淛集

廣
陵
書
社



本冊執行主編

陳慶元

《福建叢書》
第三輯之二

謝肇淛集四

明·謝肇淛 著

江蘇古籍出版社

小草齋集卷之二十四

陳留謝肇淛著

友人曹學佺校

七言律詩七 排律附

雨中集越山庵

嚴城高松萬松間
草結團瓢竹映關
一片落花林外路
數聲啼鳥雨中山
僧來共證三生果
客過時偷半日閒
霸業消沉王氣盡
寒雲空逐夜鍾還

寄題焦弱侯太史別業二首

雞鳴古埭白雲隈松竹幽居一徑開
晚水時浮菱葦舫孤城斜抱讀書臺
隣僧有約參禪去野老何知問字來
只恐碧山眠未穩浮雲蔽日恨難裁

右雞籠山館

菟裘築就厭承明江左遺踪傍冶城
幸有地堪開綠野已無心起爲蒼生雨
中遠嶂尊前色郭外寒潮夢裏聲
野屬君家墩屬我不須更學半山爭

右謝墩別墅

送張集虛之程鄉

潮陽南下古梅州芳草如烟賦遠遊客路正當
三伏雨縣城遙枕百花洲故人祖道頻看劍少
婦殘妝獨倚樓無限冶城楊柳色時從別後憶
風流

送練生赴闕爲其先中丞請卹

六月霜飛叶帝閭百年遺事不堪論孤臣分
已無完卵異代恩應到覆盆寶鼎夜沉燐火色
玉堦春暗血書痕乾坤雨露寬如海送客毋勞

吊楚魂

送甘子開之楚

簡書初拜紫薇班一片飛霜向楚關
銅柱夜寒三戶月牙旗秋控五溪蠻
紅雲荔子行時路碧落芙蓉夢裏山
別後相思聞海外嶺雲迢遞水潺湲

贈雲間曹介人孝廉

白壁何須泣暗投且隨汗漫狎滄洲
閒尋碧落栖霞洞喚上紅妝載月舟
鶴唳雲間孤客夢鯉

飛湖外九仙遊遙知馬首燕山道還憶榕城荔
子秋

岐江寺

釣臺東望碧茫茫風送寒潮涌講堂江上青山
孤棹雨門前紅葉一林霜鶴來每避降魔錫僧
去時添出定香便結跏趺最高處閒敲茶臼看
扶桑

贈石叅知

一從恩詔起東山五月寒霜散百蠻防海樓船

衝漳山看山畫戟帶雲還
多冠已落鯨鯢膽犀
甲猶立虎豹關
何日玉墀聽曳履
法星高照紫宸班

贈張叔弢別駕

避地東陵不種瓜
閒將丘壑度年華
斜陽隨蝶尋芳草
春雨逢人問落花
長日清齋僧有髮
半生拙宦老無家
竹床時檢農書讀
臥數南峰幾片霞

過安仁感懷有引

先大夫以隆慶庚午令安仁時不肖才四齡
耳居諸不淹四十餘載萬曆壬子秋余以水
部持節重過其地城廓阡陌髣髴可辨父老
譚往事歷歷如昨回首先人之墓木拱矣而
民心思慕猶一日也感而賦此以志悲喜之
懷

曾拋竹馬聽鳴絃物換星移四十年百里尚傳
循吏政孤城猶鎖亂峰烟堂前舞象曾誰伴雲
際飛鳬久已仙昔日嬰兒今擁節斷腸風木哭

南天

登先大夫天池閣與諸生父老話舊
政成人去事悠悠祇有芳名閣上留
佛火長懸金闕曉德星高傍錦江秋
梁間舊扁苔侵額門下諸生雪滿頭
父老殷勤相問訊斷腸却憶少年遊

贈喻宣仲

聞說元龍氣未除由來名下士無虛交
多方外忘年友讀盡人間未見書
作客聲華傾海嶠尋

僧踪跡半匡廬滕王閣上江如練恨不從君賦
卜居

滕王閣懷古

蒼蒼平楚暝烟浮無復龍光射斗牛帝子不歸
高閣在行人愁見大江流天邊遠樹斜陽盡雲
際孤帆宿雨收歌舞文章俱寂莫惟餘潭影自
悠悠

鐵柱觀

玉臺金闕影參差碧瓦浮烟絳節垂法駕半空

飛虎豹劍光中夜泣蛟螭步虛聲細金華遠沉
水香多寶篆遲鐵柱功成千載後章江如鏡草
離離

贈鬱儀王孫

天潢十萬半風塵龍種如君復幾人羽蓋乍傾
渾似故牙籤未觸總如新侍兒吹笛翻宮譜愛
子臨池寫洛神今日滕王高閣會未應下榻有
徐陳

過東林寺有感

有引

廬山形勝甲於江南而東林自遠公開山踪
跡又最久遠況地當四達之衢車塵馬足之
間豈無善信賢豪嗣振宗風者乃回祿之後
零落百年不能復振余過其地爲之悵然感
而賦此

山門斜枕驛橋邊零落香燈不記年半壁尚留
三咲影亂藤空鎖一溪烟碑經火後文皆蝕蓮
向霜前葉盡穿惟有香爐峰咫尺嵐光飛到佛
堂前

平原聞邢子愿計哭之

尺書萬里恨難裁
此日相思隔夜臺
書寄名山真蹟散
園臨流水影堂開
青牛夜度真人去
白鶴寒隨吊客來
獨有舊時驄馬在
秋風憔悴暮嘶哀

題黃太史贈君山齋

郭外清溪繞碧岑
高人遺構水雲深
歲時頻墮松楸泪
日月偏宜薜荔心
萬壑寒濤孤鶴夢
半山殘照亂榕陰
朝朝習靜無車馬
臥看堦前玉

樹林

贈顧允登

黃金散去俠猶存，劍客相逢盡感恩。
一日聲華傾輦轂，半牀書畫臥文園。
西山雪霽雲隨馬，北固潮平舟到門。
裘敝黑貂君莫問，梅花江上正銷魂。

送金右辰還廬陵

殘年羈客倍消魂，回首長安日易昏。
賦就三都身未遇，家徒四壁俠猶存。
城邊古廟尋黃石，雪

裏孤帆過白門漢代只今多狗監豈容才子老
文園

送施仔吾令高明

翠羽啾嘈嶺樹烟月明雙鳥去翩翩晨叅蠻吏
鳴銅鼓夜聽鮫人訟火田雲湧五花官牘上天
開八桂瘴江邊王程莫憚炎荒遠自有冰心白
雪絃

答任白甫

玉堂夜直紫泥殘猶有餘香九畹蘭門對仙人

弄鶴渚家傳公子釣魚竿雲開衡岳扶筇瘦霜
落彤墀疏草寒莫道夔龍叨接武由來郢曲和
常難

壬子除夕

九衢簫鼓雪新晴爆竹通宵虎橋鳴舊曆已偷
春半月寒燈空守歲三更愁深芳草天涯路夢
遶梅花海畔城白髮漸來年漸去不堪更聽曉
鐘聲

癸丑元旦